



CANTON SARAJEVO
**Ministry of Labour, Social Policy, Displaced
Persons and Refugees**

Broj: 13-02/2-32-2142/21
Sarajevo, 08.02.2021. godine

- SKUPŠTINA KANTONA SARAJEVO
SLUŽBA ZA SKUPŠTINSKE POSLOVE
Ovdje

- VLADA KANTONA SARAJEVO
STRUČNA SLUŽBA VLADE
Ovdje

Zastupnik Elmedin Konaković je na 32. Radnoj sjednici Skupštine Kantona Sarajevo, održanoj dana 05.01.2021. godine, u okviru tačke dnevnog reda "Poslanička pitanja, inicijative i odgovori", a u skladu sa članom 213. Poslovnika Skupštine Kantona Sarajevo pokrenuo je zastupničku inicijativu "da se osigura zdravstveno osiguranje svim povratnicima koji se odjave sa područja Kantona Sarajevo i prijave adresu na području manjeg BiH entiteta Republika Srpska"

Obrazloženje: "Veliki broj povratnika u manji BiH entitet formalno je prijavljen na području Kantona Sarajevo, a živi u RS-u. Procjena je da čak neće biti uvećanja troškova zdravstvene zaštite jer se sredstva za ovu populaciju već uzdvajaju".

ODGOVOR

Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) u skladu sa svojim nadležnostima i važećim zakonskim i podzakonskim aktima redovno provodi aktivnosti u cilju pomoći raseljenim licima i izbjeglicama i povratnicima u Kantonu Sarajevo u ostvarivanju svih prava definisanih zakonskim i podzakonskim aktima, te tako i ostvarivanja prava na zdravstvenu zaštitu.

U 2013. godini, je na prijedlog ovog ministarstva donesen Zakon o pravima lica koja se iz Kantona Sarajevo vraćaju u mjesta prijeratnog prebivališta ("Službene novine Kantona Sarajevo", broj: 18/13) kojim se definišu: "Lica koja imaju prava po ovom zakonu, oblasti u kojima se ostvaruju prava, pravni okvir, prava iz boračko-invalidske zaštite i zdravstvene zaštite, organi koji vode postupak, postupak ostvarivanja prava, finansiranje, nadzor nad provođenjem ovog zakona i druga pitanja od značaja za ostvarivanje prava" (član 1. Zakona).



Ovim zakonom - član 2. stav (1) propisani su uslovi za lica koja mogu ostvariti prava shodno istom, odnosno da: "Prava iz ovog zakona mogu ostvariti lica:

a) koja su se dobrovoljno vratila i prijavila prebivalište u mjestu prijeratnog prebivališta u Republiku Srpsku i Brčko Distrikt Bosne i Hercegovine i koja su imala boravište u Kantonu Sarajevo po osnovu statusa raseljenog lica ili

b) koja su se dobrovoljno vratila i prijavila prebivalište u mjesto prijeratnog prebivališta u Republiku Srpsku i Brčko Distrikt Bosne i Hercegovine i koja su imala prebivalište u Kantonu Sarajevo kojem je prethodio status raseljenog lica."

Član 2. stav (2) Zakona propisuje: "Lica iz stava (1) ovog člana ostvaruju prava u skladu sa ovim zakonom ukoliko su prije stupanja na snagu ovog zakona imala boravište odnosno prebivalište u Kantonu Sarajevo iz stava (1) tačka a) i b) ovog člana i pod uslovom da ista prava ne ostvaruju u mjestu prijeratnog prebivališta."

Zakon u članu 3. stav (3) propisuje i pravni okvir ostvarivanja prava: "Prava iz oblasti zdravstvene zaštite ostvaruju se u skladu sa Zakonom o zdravstvenoj zaštiti ("Službene novine Federacije Bosne i Hercegovine", br. 46/10) i Odlukom o proširenom obimu prava na korištenje ortopedskih pomagala, lijekova, medicinsko-sanitetskih sprava i materijala za ratne vojnike invalide sa područja Kantona Sarajevo ("Službene novine Kantona Sarajevo", broj 13/04 i 11/06)

Član 6. Zakona se odnosi na **prava iz zdravstvene zaštite** i to: "Lica iz člana 2. ovog zakona, u skladu sa uslovima i načinom ostvarivanja prava iz oblasti zdravstvene zaštite, koji su uređeni propisima iz člana 3. stav (3) ovog zakona imaju pravo na zdravstvenu zaštitu obuhvaćeno obaveznim zdravstvenim osiguranjem koje podrazumijeva osiguranje zdravstvenog standarda pod jednakim uslovima za osigrana lica u zadovoljavanju potreba u primarnoj, specijalističko-konsultativnoj i bolničkoj zdravstvenoj zaštiti s odgovarajućom medicinskom rehabilitacijom."

Odlukom o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo ("Službene novine Kantona Sarajevo", br: 29/09, 20/16 i 40/19), članom 3. propisano je na koji način se obračunavaju i plaćuju doprinosi za zdravstveno osiguranje, a članom 7. iste Odluke da obračun i uplatu doprinosa iz člana 3. tačka c) ove odluke vrši **organ uprave kantona nadležan za povratak i raseljena lica, za lica kojima je priznat status raseljenog lica.**

Sva izbjegla i raseljena lica na području Kantona Sarajevo sa priznatim statusom raseljenog lica su zdravstveno osigurana.

Za raseljena lica sa priznatim statusom raseljenog lica na području Kantona Sarajevo, a koja nisu zdravstveno osigurana ni po kojem drugom osnovu, Ministarstvo participira troškove zdravstvene zaštite.

Kada raseljeno lice stekne uslove za povratak na svoju prijeratnu adresu (obnovljena stambena jedinica), ono se vraća u prijeratno mjesto prebivališta i vadi ličnu kartu u entitetu Republika Srpska ili Distrikt Brčko. Tom raseljenom licu se ukida status raseljenog lica.

Većina povratnika nije bila zadovoljna zdravstvenim uslugama u mjestu povratka te su iskazali potrebu i volju da se nastave liječiti u Kantonu Sarajevo. Cijeneći potrebe povratnika a u cilju da njihov povratak učinimo održivim, povratnicima je omogućeno da se nastave liječiti u Kantonu Sarajevo.

Zavod zdravstvenog osiguranja Kantona Sarajevo je Uputstvom o jedinstvenom postupanju u provođenju Odluke o ostvarivanju prava iz osnova socijalne, zdravstvene i boračko invalidske zaštite povratnika iz Kantona Sarajevo na područje entiteta Republika Srpska definisao način provođenja navedene Odluke, odnosno uslove/dokaze koje navedena lica trebaju dostaviti kako bi što efikasnije ostvarili svoja



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090

Sarajevo, Reisa Džemaludina Čauševića 1



prava (Svojstvo povratnik - dokaz prijava mjesta prebivališta CIPS, te da nema svojstvo osiguranika u entitetu Republika Srpska - potvrda izdata od Fonda zdravstvenog osiguranja entiteta RS).

Za sve povratnike kojima je izdata lična karta u entitetu Republika Srpska obezbjeđena je participacija troškova zdravstvene zaštite u skladu sa odredbama Zakona o pravima lica koja se iz Kantona Sarajevo vraćaju u mjesta prijeratnog prebivališta, te odredbama Odluke o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo.

Kanton Sarajevo, na osnovu donesenih zakonskih, podzakonskih i provedbenih akata snosi troškove zdravstvenog osiguranja kako za raseljena lica dok su boravila na području Kantona Sarajevo, tako i kada se ta lica vrate na prijeratnu adresu prebivališta, izvade ličnu kartu u drugom entitetu, a koja iskažu potrebu da se liječe u Kantonu Sarajevo,

Iz dosadašnjih statističkih pokazatelja naznačenih u tabelarnom pregledu koji se dostavlja u prilogu, vidljivo je da je u posljednje 4 (četiri) godine došlo do smanjenja broja lica - povratnika kojima Kanton obezbjeđuje zdravstvenu zaštitu, te da posljednjih godina nema finansijskih uvećanja za troškove participacije zdravstvene zaštite raseljenih lica i povratnika, odnosno da finansijska opterećenja po ovom osnovu kontinuirano opadaju.

Međutim, u Budžetu Kantona Sarajevo i dalje se planiraju finansijska sredstva za ovu namjenu, do konačne implementacije Aneksa VII Dejtonskog mirovnog sporazuma, odnosno do kada god postoji potreba i osiguranje prava svim povratnicima na zdravstvenu zaštitu, a u cilju obezbjeđenja njihovog održivog povratka na prijeratna mjesta prebivališta.

S poštovanjem,


Prilozi:

- Zakon o pravima lica koja se iz Kantona Sarajevo vraćaju u mjesta prijeratnog prebivališta ("Službene novine Kantona Sarajevo", broj: 18/13)
- Odluka o utvrđivanju osnovica, stopa i načinu obračunavanja i uplate doprinosa za obavezno zdravstveno osiguranje na području Kantona Sarajevo ("Službene novine Kantona Sarajevo", broj: 29/09, 20/16 i 40/19).
- Uputstvo o jedinstvenom postupanju u provođenju Odluke o ostvarivanju prava iz osnova socijalne, zdravstvene i boračko invalidske zaštite povratnika iz Kantona Sarajevo na područje entiteta Republika Srpska od 29.08.2011. godine

Pripremio: Zoran Jovetić, stručni savjetnik

Kontrolisali: Edin Duraković, šef odjeljenja

Slavica Gorančić, pomoćnik ministrice



MINISTRICA

Ivana Pryulović

Dostaviti:

1. Naslovu 2x

2. a/a



web: <http://mrsri.ks.gov.ba>
e-mail: mrsri@mrsri.ks.gov.ba
Tel: + 387 (0) 33 562-089, Fax: + 387 (0) 33
562-090
Sarajevo, Reisa Džemaludina Čauševića 1

